

隨園全集

紅豆村人詩集

隨園全集之十六

紅豆村人詩集

潘承弼



中華民國十年  
上海商務印書  
局總發行所

前序

夫思王不序典論之書何點不和小山之作家庭標舉達者嗤焉然而同峯聽雨分樹看花雖弇雅之才難實吾斯之能信吐珠於澤誰能不含似蘭斯馨願詳所湛豈有自矜月日擯文休而勿夸孤對池塘置阿連而不夢者乎則有張家鸞鶯穆氏醜齠號紅豆之村人爲吾家之臨汝采繩圍宅早有奇徵騎鹿入胎羣驚英物視愛同采蜂之事遊善如原菽之甘唾地而文成三篇擊鉢則燭留一寸風神元定愛齊梁之音藻思芊綿追漢魏之始詩之作也僕有感焉當夫大阮西征永辭家美遺奴落地便伴婁徒寄薩保以錦袍音塵如夢泣邛南之竹杖相見何年弟匪徒秋士悲秋兼且越人安越矣亡何僕以徵士之車折灤江之桂鳳凰蠟下裁抱僧虔熨斗襦中更奇康伯叔也厝需於側兄乃見溷而行從此荆樹重分河梁再別雙旌萬里一面十年覽揆晚而郎罷先摧免乳遲而摩敦亦老孤兒有曲野銼無煙龍具爲衣馬人作伴瘴雲似墨誰送賈季之妻拏葛帔披霜空抱王孫之飢渴雖狐有首邱之想水尙知歸而鼓無記里之聲地難縮短飛奴不到沉沉連錦之書小子勤哈脈脈阿干之唱僕乃百縑遠寄雙槩星馳如逆椒鳴班荆楚地自同聲伯爲食鄭郊起渴葬之棺柩喪迎穆伯走敏關之玉節私召陽生弟於是闔闐呼車昌披稅駕身猶楚服口尙僊音見故里之枌榆恍疑前世拜祖宗之邱墓哀感旁人觀者疑返漢之文姬識者嘆承祧之趙武當是時也春秋書季子來歸晉史記陶潛隱去靈寶之成人尙早監河之分潤無多歎段籠東少游哀汝父戰再北鄧禹笑人一枝筆乾舉家鶴望弟於是重驅策彗再撲韜沂王粲遠游騎馬登樓之恨元瑜書記殘羹冷炙之場嘗世味之顛領聽河流之鬱勃記往事於龍華小劫求

知音於碧海青琴身賤恩多天寒袖短堂蓑不御晝燭難明歌纂纂以星沉唱嗚嗚而雨泣  
人之情也其能已乎加以天性風華餘波綺麗何郎粉不離手荀令香能染衣長言則河女  
三章開卷則王昌十五丹心寸意驅烟墨以如飛流管青絲繞虹梁而不落量沙易竭下筆  
難休金鹿詞哀玉臺體豔人恐繁華流蕩君子之所勿欽我知比興溫柔宣尼之所必采嗟  
乎人不足而盱有餘才非患少春采華而秋落實學與年增許武未成弟之名景讓宜受母  
之撻所望粹掌自厲指心得師加弓之九和俟禾之三變形魯昌僕窮典誥之恢奇夷鼓青  
陽表榮華之族姓文章不妨放逸人品故宜謹嚴使薦者謂敏中酷類其兄後世笑僧彌難  
爲其弟殿中交代有君已是替人海內文章無我當歸阿士兄枚序

序

詩以言志而志之大小淺深則又視乎其人之性情故又曰詩以道性情夫性一而已若情之所發或有不同故又曰發乎情止乎禮義然不游名勝之地不經名人指授則其志必不高不歷遭困苦阨塞之途則其情或不知返而其性亦不能忍而保厥初雖有所作亦必不工卽工矣要祇拾人牙慧而非吾之眞性眞情也是何足以言詩余自解弄筆研卽持此論迄今卒未有所得壬申春羈旅武林端居多暇一日與內弟香亭坐舫齋偶論及此香亭躑之遂盡發篋中諸詩屬爲點定余讀其詩清麗流逸約數百首中間所作與令兄存齋倡和爲多存齋讀破萬卷詩文高邁迅厲率自胸臆流出蓋其雄傑之氣實有高視千古自成一大家者迺香亭年甫弱冠竟能起而抗之此固其天分勝也然亦幸得放浪吳越間日從存齋作山中遊且聞起居坐臥皆有林巒之勝同時客石城則有陸甥豫庭而存齋之門生故舊亦時時載酒來蓋無日不讌集無日不賦詩宜其所作之多且工也今存齋補官秦中香亭以省試不利歸處於家其臥室與余相望嘗見其下帷靜處平居輒忽忽不樂偶有所得則拈毫微吟不以示人余竊窺之陶冶性靈獨開生面凡其胸中幽愁憂思鬱勃不得遂之事皆一一發之於詩詩益進吟益苦傲東野而不失之寒暮長吉而不至於詭歐陽子所謂窮而後工信有之矣因憶余初來武林時歲在戊辰香亭猶未學詩乃越數年而所造遽至於此豈不盛哉余即日欲北去則香亭又將之金陵讀書山中吾知其感懷疇曩觸景生情茹古涵今其學當日進而詩當日工以致必傳於世無疑也香亭其勉之乎於臨別時書數語於簡端以爲異日相見張本云爾



紅豆村人詩序

六詩既作三訓斯傳窺四變之淵源綜諸家之體製嚴儀卿之妙悟便許參禪鍾仲偉之鴻裁誠堪論世芙蓉初日應爲清麗之宗河漢微雲更擅風流之最掣鯨魚於碧海亦知前有王楊聽鸚鵡於青春誰曰後無溫李要須解酸鹹以外奚必居廊廡之間或以事本緣情文偏勝質剪紅刻翠居然滴粉搓酥錯采鏤金只合淺斟低唱旗亭雪後無非下里之詞欸段風中頓減奚囊之色元白何曾壓倒風騷大抵闕如吾弟香亭善繼家聲早工詩律時閉門而拈韻偶擊鉢而尋章洵可自怡兼能免俗望蘇公堤畔興阮孚著屐之懷過和靖亭邊携謝眺驚人之句滿山樓閣都成畫裏清音繞郭煙嵐盡入毫端新雨爲之不已迄用有成探本於漢魏以前沂流逮元明而下豈獨長城可倚却秦系之偏師庶幾寸鐵皆空比歐陽之白戰

乾隆壬午中秋兄鑒序



聽臨汝郎之吹笛慣作龍吟學天隨子之解詩自慙鴨語屬以涓陽之戚思聯日下之名不  
有微辭莫伸雅抱憶季札歸吳之日正劉家月旦之年下帷則分照書燈泛渚則攜登花舫  
六朝佳麗同訪秦淮一代風騷共宗鄭谷攜東山之絲竹校祕閣之縹箱從此巧出龍梭妙  
裁花骨羣呼小宋神似大蘇嗣復返轡於西陵遂爾卜居於江左萍開一棹千邨烏柏之林  
柳拂雙鞭幾曲青溪之路半生遊覽由來蹤跡皆同滿紙風華太抵性靈相近所嘆凌雲有  
賦負郭無田馬周以少賤陳書王粲以家貧作客怨芙蓉於江上穩穩西風望楊柳於樓頭  
漫迷南浦於是吳頭楚尾分遊子之琴裝渭北江南惜少年之裙屐芳草碧而王孫不返斜  
陽暮而帝子空悲時則君更依劉我還入洛屈牧之爲記室臥逸少於東床喜兩郡之連疆  
輒百里而命駕魯邾接柝折梅傳驛使之春元白聯鑣書壁記旗亭之曲離羣代馬望風樹  
以長嘶極目吳帆待霜江而共渡今者重遊古郡再讀新編負長吉之錦囊燈前擊鉢握文  
通之彩筆花裏題襟琴遇成連遽情移於海島夢通靈運得神助於池塘允堪奪錦殿中探  
驪座上才驚絕代不徒寶劍名篇句欲摩空豈僅洞簫一賦爲平原而買繡世人之描畫已  
多過荀令而薰香才子之風流不愧嗟乎驪驪裘在尙可提壺蛺蝶才高胡爲弄戟讀離騷  
而稱名士且釋窮愁彈綠綺而對文君不如歸去如此日鞭絲鬢影暫陪戲馬於雄臺來春  
斗酒雙柑還共賭棊於別墅戊寅仲冬甥陸建湄君氏題於彭城郡齋

春夜讀

香亭二兄齋音集

何處寒香入硯清  
 一編新詠眼全明  
 春深綠水流珠彩  
 夜靜青霄墮鶴聲  
 紙價應同金谷集  
 筆鋒休讓玉溪生  
 詩家半是窮愁客  
 莫向陳芳乞姓名  
 漫將小草託禽言  
 博得清音謝俗喧  
 但化朝廷新鸞鷲  
 任他鷓鴣笑籬藩  
 楚中昔自稱三道  
 吳下今知有二袁  
 異日雞林傳麗句  
 聯珠一集重吹埴

山陰二樹童鈺

紅豆村人詩稿目錄

卷一 己巳美葵西

五言古詩 五首

五言律詩 十七首

七言絕句 十四首

卷二 甲戌至乙亥

五言古詩 十七首

五言律詩 十三首

五言絕句 一首

卷三 丙子至戊寅

五言古詩 十四首

五言排律 一首

七言律詩 八十一首

七言絕句 二十七首

卷四 己卯

五言古詩 二十四首

五言律詩 九首

七言絕句 八首

七言古詩 四首

七言律詩 三十一首

七言古詩 五首

七言律詩 四十七首

七言絕句 十八首

七言古詩 四首

五言律詩 二十九首

五言絕句 一首

五言排律 一首

七言律詩 四十八首

卷五 庚辰

五言古詩 八首

五言律詩 三十七首

七言絕句 四首

卷六 辛巳至甲申

五言古詩 十九首

五言排律 五首

五言律詩 十七首

七言絕句 十四首

卷七 丙戌至甲午

五言古詩 七首

五言律詩 二十首

六言詩 四首

卷八 乙未至庚子

五言古詩 四首

七言古詩 五首

五言律詩 三十首

五言絕句 三首

七言古詩 五首

七言律詩 三十九首

七言古詩 二首

七言排律 一首

七言律詩 三十一首

七言古詩 四首

七言律詩 二十三首

七言絕句 三首

詩 三首

五言排律 四首

七言律詩 三十首

七言絕句 六十五首

卷九 辛丑至壬寅

五言古詩 十首

七言古詩 二首

七言排律 一首

七言律詩 三十五首

五言絕句 三首

卷十 癸卯至丙午

五言古詩 二十六首

五言排律 一首

七言律詩 三十六首

九言詩 一首

七言絕句 二十一首

卷十一 丁未至戊申

五言古詩 四首

古言排律 一首

七言律詩 十六首

七言絕句 三十七首

卷十二 己酉至壬子

長短句 一首

五言排律 四首

五言律詩 二十二首

四言詩 四首

七言絕句 十五首

七言古詩 十二首

七言律詩 十九首

六言詩 一首

五言絕句 三首

七言古詩 二首

五言律詩 十三首

五言絕句 四首

五言古詩 十九首

五言排律 二首

七言排律 一首

五言絕句 十三首

六言詩 四首

卷十二 癸丑

五言古詩 四十二首

五言排律 三首

七言律詩 十一首

七言絕句 二十五首

卷十四 甲寅

五言律詩 二十八首

五言排律 二首

五言絕句 六首

七言古詩 二首

五言律詩 三十三首

七言律詩 四十三首

七言絕句 二十三首

長短句 五首

七言古詩 五首

五言律詩 二十七首

五言絕句 四首

七言律詩 二十九首

七言古詩 一首

七言絕句 十六首

紅豆村人詩稿卷一己巳至癸酉

錢塘袁樹齋亭

安鶴居卽事呈家存齋兄

不賦彈冠賦掛冠歸來旗鼓建騷壇坐無尼父爲師少家有元方作弟難幾點雨敲疎竹暮  
一簾春破老梅寒畫屏山色空明裏人對斜陽正倚闌

采蓮曲

莫愁湖畔採新荷並倚蘭橈緩唱歌驚起一雙沙上鳥鴛鴦還穩睡晴波  
月明河漢水  
明沙露滴輕容不透紗分撥荷衣雙蕩槳當前爭取並頭花

春齋

春煖著衣單攤書眼倦看殘棋催晝短細雨出門難霧濕蜂鬚重花深蝶翅乾落英春不管  
多在石闌干  
齋檻臨池畔滿窗春影賒柳腰黃半染萍面綠初遮夕照微薰草輕烟薄  
上花鏡中顏色改無力挽韶華

春柳

纔染鵝黃便帶烟最愁陰雨斷腸天身輕祇合隨流水情重依然似去年舞袖半垂寒食後  
嬌枝多歇杏花邊章臺白馬黃金勒忍折長條更作鞭

秋風行送書巢姊夫之鳳陽

碧雲淡高空涼氣生朝夕秋風一飄忽林聲何蕭瑟物序易生感況復與子別別離亦何悲  
當此窮秋節仰視鴈雙飛慨然長嘆息板橋黃葉深古渡寒烟積更欲立斯須半樹斜陽沒

寄兄

記得當年共讀時吟牕終日有新詩山深但覺寒來早林密翻嫌月上遲親撥嵐烟開竹徑  
同鋤春雨種花枝至今回首園中事淚落風前不自持

吳歌行

一篙撐入長江裏眼前失地天在水寒烟漠漠鴈孤飛漁船明月吳歌起歌聲裊裊聞清秋  
和入櫓聲江水流高低喚起瘦蛟舞斷續遙驚漁父愁舟中有客方孤處倉卒辭家千里去  
蝴蝶飄零感夢魂鳳鸞離別愁煙雨初聞隱隱愁欲結再聞淒淒腸斷絕推篷試問夜何其  
月入蘆花沒分別

曉登曼花樓

趁曉迎春上翠臺遙山四面送青來朱闌低處一回首滿樹玉蘭花正開

金果泉

徹底碧沙明倒瀉青天影入耳靜無聲在目清以冷不敢遽投石恐驚潛龍醒

送書巢北上

幾年寂寞共窮廬雨晦風瀟各自如編集敢勞皇甫序刪詩兼借右軍書炎涼耐盡交情澹  
心性諳深禮貌疎他日相逢車笠判可能懷抱更如初

仲秋過隨園懷家存齋兼示豫庭翠圃

重開三徑破苔封坐近幽窗山翠重倚檻雲流疎竹雨隔林風到夕陽鐘柳絲零落溪雲澹  
客鬢蒼涼秋思濃當日青青橋畔路於今蕭索幾芙蓉  
明窗四面綠陰連水態林光盡



可憐一夜秋風桐葉淨半簾疎雨海棠眠人離人合悲流水春去春來感少年幸是閒居同  
二陸清軒時復共周旋

秋夕

西風吹露下雲端月白如霜透體寒秋在心頭家在夢肯教閒却竹闌干

中秋旅懷來安村中作

客裏重行百里餘生涯無定感居諸六朝烟月添新恨三竺雲山憶故廬碧沼凋零蓮葉冷  
短篷歷落豆花疎蟲聲四壁蕭蕭語伴我秋牕夜讀書  
茅舍蕭條客思單柴門風靜夜  
闌干黃沙草軟驢眠穩白露天高鴈羽寒兩地有家分夢遠一枝無借著身難姮娥似解相  
憐情肯放餘輝半夜看

和湄君見寄

久客悲王粲清言美謝朓萍浮人獨遠信到月初生佳句有餘韻秋山無限情不堪回首望  
落葉滿闌城

野適

桃源何處是仙洞杳難尋雲急山疑動風涼秋已深蕭條知地迥榮落見天心祇此清商曲  
興悲共古今

強把

強把愁腸繞室行露華風裏立窗楹隔簾細聽敲花雨認得黃鸝嬌囀聲  
秋窗斜映月  
明開花影橫塔護綠苔消受卿卿無限意滿身風露夜深來